



UNIVERSITÄTS-  
BIBLIOTHEK  
PADERBORN

**Cæremoniale FF. Minorum Strictioris Observantiæ Almæ  
Provinciæ Saxonix S. Crucis**

**Sächsische Franziskanerprovinz vom Heiligen Kreuz**

**Nevhsii, 1706**

**VD18 10502327**

Titulus VIII. De modo recipiendi Tertiarias in claustro viventes.

---

[urn:nbn:de:hbz:466:1-71672](https://nbn-resolving.org/urn:nbn:de:hbz:466:1-71672)

reddimus, suscipe ea cum gratiarum actionibus, et intercedente  
 B. V. Maria, sanctoq; Patre nostro Francisco, huic infanti de  
 cetero presta salutem mentis et corporis, ut te Creatorem recta  
 fide colat, in te Redemptorem spem suam conformet, te sum-  
 mum bonum super omnia diligat, atque sanctis mandatis tuis  
 semper obediat; Per Christum Dominum nostrum. Resp.  
 Amen.

Deinde veste Ordinis exuit infantem dicens :

Reddite vota vestra cum gratiarum actionibus.

Laudate Dominum omnes gentes : Laudate eum omnes  
 populi. Quoniam confirmata est super nos misericordia eius,  
 Et veritas Domini manet in eternum. Gloria Patri et Filio  
 et Spiritui sancto, sicut erat in principio, &c.

V. Dominus vobiscum.

R. Et cum spiritu tuo.

#### O R E M U S.

Suscipe sancte Pater omnipotens eterne Deus vota preces-  
 que supplicum, et per intercessionem B. V. Mariae et Sera-  
 phici Patris Francisci presta nobis beneficia tua ita cognoscere,  
 ut semper in gratiarum actione vivamus. Per Dominum  
 nostrum, etc. Resp. Amen.

Deinde aspergit infantem & circumstantes aqua benedicta & di-  
 mittit.

## TITULUS VIII.

*Modus recipiendi Tertiarias in claustro viventes.*

Imprimis sponsa per V. A. P. Guardianum & P. Confessarium, aliof-  
 que Fratres in templum ad summum altare adducetur ex loco in quo  
 fuerit



fuerit, atque canet Antiph. illam *Veni Sponſa Chriſti, &c.*

Item poſt Miſſam redu-  
citur ad chorum per eundem ubi traditur Ven. Matri & recommen-  
datur tanquam anima de qua tenebitur reddere rationem.

Ante ſummum verò altare genibus flexis ſedebit ad Offertorium.  
Finito *Credo* V. A. P. Guardianus, qui ipſam inueſtiet ad populum ſeſe  
conuertet, Sponſamque rogabit, quidnam petat, ipſa verò reſponde-  
bit per amorem Domini noſtri, &c.

Tunc V. A. P. Guardianus.

*Bona verè & optima eſt petitio chariſſima Filia, &c.* Deinde ad popu-  
lum ſermonem facit, & proponit ei breuiter, quas moleſtias ac tenta-  
tiones in conuerſatione Regulari ſuſtinere neceſſe ſit in Abſtinentiis,  
Vigiliis, &c. In calce ſermonis ex Sponſa quæret V. A. P. Guardia-  
nus num in ſua ſententia perſeueret, & ſi ad hæc omnia ſubeunda &  
ſuſtinenda parata ſit.

Quæ ſi imperterrita manens, reſponderit ſe Dei miſericordia, o-  
mnia pro ſalute ſua libenti animo velle ſubire, dicatur ei à V. A. P.  
Guardiano.

*Dominus det tibi omnia hæc fideliter adimplere & curſum tuum feliciter  
conſummare, Amen.*

His finitis V. A. P. Guardianus Litanias ſequentes recitabit.

*Kyrie eleiſon. Chriſte eleiſon. Kyrie eleiſon.* Vide ſupra in Inueſti-  
tione Novitij Ordinis noſtri.

*Pater noſter. Et ne nos inducas, &c.*

V. Salvam fac Ancillam tuam Domine.

R. Deus meus ſperantem in te.

V. Mitte ei auxilium de Sancto.

R. Et de Sion tuere eam.

V. Nihil proficiet inimicus in eâ.

R. Et filius iniquitatis non apponat nocere ei.

Dd

V. Eſto



V. Esto ei Domine turris fortitudinis.

R. A facie inimici.

V. Domine exaudi orationem meam, &c.

V. Dominus vobiscum, &c.

## O R E M U S.

**D**Eus qui per coeternum tibi filium cuncta creasti quique hunc mundum peccatis inveteratum, per *Mysterium sanctae Incarnationis* tuae renovare dignatus es, te suppliciter exoramus, ut eiusdem Domini nostri *Iesu Christi* clementia super hanc *Famulam* tuam abrenunciationem saeculi probare incipientem respicere digneris, per quam in spiritu mentis suae renovata veterem hominem, exuat cum actibus suis, et novum hominem, qui secundum Deum creatus est, induere mereatur. Per eundem Christum Dominum nostrum.

## O R E M U S.

**D**omine *Iesu Christe*, qui es *via*, sine qua nemo venit ad Patrem, quaesumus tuam benignissimam clementiam, ut hanc *Ancillam* tuam, (vel tuas) à carnalibus desideriis abstractam, per *viam disciplinae Regularis* deducas, qui etiam peccatores vocare dignatus es, dicens: *Venite ad me omnes, qui laboratis et onerati estis, et ego reficiam vos.* Presta, ut haec vox invitationis tuae, ita in ea (vel in eis) convalescat, quatenus peccatorum onera deponens, quam dulcis es degustans tua refectioe sustentare mereatur, et quam de ovibus tuis attestari dignatus es, agnosce eam inter oves tuas, ut ipsa te ita agnoscat, ut alienum non sequatur, qui cum eodem Patre et *Spiritu sancto* vivis et regnas in saecula saeculorum. Amen.



Deinde V. A. P. Cuardianus conuerſus ad Novitiam ueſtimenta, quibus induenda eſt, cum orationibus ſequentibus benedicat.

V. Dominus uobiscum.

R. Et cum ſpiritu tuo.

O R E M U S.

**D**omine Jeſu Chriſte, qui tegumen, ut ſupra.

Benedictio Veli.

**C**aput omnium fidelium Deus et totius corporis ſaluator hoc operimentum uelaminis quod ſamula tua per tuum tuaque Genitricis Beatiffimæ ſemper Virginis Mariæ amorem ſuo capiti eſt impoſitura, dextra tua ſanctiſſima, ut uidelicet tua iuſſa ſemper corpore et animo incontaminata cuſtodiat, et cum ad remunerationem perpetuam ſanctorum cum prudentibus uirginibus etiam ipſa preparata aduenerit; perducente te ad ſupernæ felicitatis nuptias introire mereatur. Qui uiuis et regnas. etc.

Benedictio Cinguli.

**D**eus, qui ut ſeruum ſolueres filium ſunibus ligari uoluisti, Benedic hoc Cingulum et præſta ut hæc ſamula tua, quæ eo uelut ligamine pœnitentiaſi cingetur, Vinculorum filii tui memor exiſtat, et in Ordine, quem aſſumit ſalubriter perſeueret, per eundem Dominum.

Deinde aſpergit ueſtes aqua benediſta & illico poſtea attondet capillos capitis atque inter attonſionem capillorum dicitur Antiph.

*Cuncta pro Chriſti nomine contemnens crine tonſo, coram altari Domino nubit eterno ſponſo.*

Et ſtatim exuatur habitu ſæculari dicens :

*Exuat te Dominus ueterem hominem cum actibus ſuis. Amen.*

D d 2

Dum



Dum induit eam Vestibus benedictis dicit :

*Induat te Dominus novum hominem , qui secundum Deum creatus est , in justitia & sanctitate veritatis. Amen.*

Deinde præcingit eam Chorda dicens :

*Præcingat te Dominus cingulo fidei & virtute castitatis , extinguat in te humorem libidinis , & jugiter maneat in te tenor totius castitatis , per Christum Dominum nostrum.*

Interim cantetur *Regnum mundi & omnem ornatum sæculi, &c.*

*Vers. Eructavit cor meum verbum bonum : dico ego opera mea Regi, quem vidi.*

*Elegi abjecta esse in domo Dei mei Iesu Christi, quem vidi.*

*Gloria Patri, &c. quem vidi, quem amavi, in quem credidi, quem dilexi.*

Collecta sine Cantu.

*Dominus vobiscum, &c.*

O R E M U S.

**D**eus misericors, Deus et clemens, cui bona cuncta placent, sine quo nihil sanctum inchoatur, nihilque bonum perficitur, adsint nostris humilibus precibus aures tuæ pietatis et hanc famulam tuam, cui in Nomine tuo, hunc sanctitatis habitum imposuimus bene ✠ dicere dignare, et à mundi impedimento atque seculari desiderio defende et concede ei ut in hoc sancto proposito devote persistat, et remissione percepta peccatorum ad Electorum tuorum consortium pertingere valeat per Christum, etc.

*Famula tuæ quaesumus Domine bonos mores placatus institue, tu ei, quod tibi placitum est clementer infunde, ut et tibi devota sit, tua valeat beneficia promereri. per Christum, etc.*

*Da quaesumus famula tuæ, in tua fide et Sinceritate constantiam,*



*tiam, ut in claritate diuina firmata nullis tentationibus ab eius integritate auellatur. Per Dominum noſtrum Ieſum etc.*

His omnibus finitis flexis genibus cantatur.

*Veni Creator Spiritus etc.*

ψ. Emitte &c.

ψ. In Conceptione tua Virgo immaculata fuiſti &c.

ψ. Signaſti Domine &c.

ψ. Ora pro nobis B. Elifabeth.

O R E M U S.

**D**eus, qui Corda fidelium Sancti Spiritus illustratione docuiſti, da nobis in eodem Spiritu recta ſapere, et de eius ſemper conſolatione gaudere.

Deus, qui per immaculatam Virginis conceptionem dignum filio tuo habitaculum preparaſti: quaſumus ut qui ex morte eiusdem Filii tui praeviſa eam ab omni labe praeruaſti, nos quoque mundos eius interceſſione ad te peruenire concedas: per eundem:

Deus qui Eccleſiam tuam B. Franciſci meritis foetu nouae Proliſ amplificas, tribue nobis ex eius imitatione terrena deſpicere et Coeleſtium donorum ſemper participatione gaudere. Per Dominum noſtrum Ieſum Chriſtum etc.

Absolvitur Miſſa, & Sponſa reducitur<sup>ad</sup> chorum ut dictum eſt.

TITULUS IX.

*De earundem Profefſione.*

I. **O**mibus paratis introducitur Sponſa ad Eccleſiam vel chorum Sororum, ad locum pro ea paratum Sororibus cantantibus:  
*Veni Sponſa Chriſti.*

Dd 3

2. In-